

Tilleggsinnkalling
av
Formannskapet

Møtedato: 01.11.2021
Møtestad: Kommunehuset
Møtetid: 10:00 - 15:30

Eventuelle forfall må meldast til Anne Kristin Rafoss per tlf. 56166291, sms til 90898072 eller per epost til anne.kristin.rafoss@masfjorden.kommune.no

Varamedlemmer møter berre etter nærare avtale.

Saksliste:

099/2021 Referatsak
100/2021 Elev- og lagsbetaling i kulturskulen frå 01.08.22

29. oktober 2021

Karstein Totland
møteleiar

Anne Kristin Rafoss
sekretær

Sakspapir

Sakshandsamar	Arkiv	ArkivsakID
Anne Kristin Rafoss	FE-033	21/996

Saknr	Utval	Type	Dato
099/2021	Formannskapet	PS	01.11.2021

Referatsak

Tilknytte dokument:

1. Forslag reduksjon i barnehageprisar
2. Informasjon frå nærbutikken Kvingo
3. Statsbudsjett 2022 - kommuneopplegget
4. Statsbudsjettet 2022 - Endringer i skattereglene som følge av overgang til kontantstrømskatt
5. Statsforvaltaren Statsbudsjettet 2022 - verknader for kommunane i Vestland

Rådmannen sitt framlegg til vedtak:

Referatsaker vert tekne til orientering

Saksopplysningar:



Kommunane i Vestland

Saksbehandlar, innvalstelefon

Håvard Rød, 5557 2143

STATSBUDSJETTET 2022 - KOMMUNEOPPLEGGET

Solberg-regjeringa presenterer framlegg til statsbudsjett for 2022. Statsforvaltaren vil her gi eit samandrag som kan vere nyttig for kommunane i samband med budsjettarbeidet i haust. Den nye regjeringa sitt framlegg til endringar i Solberg-regjeringa sitt budsjettframlegg skal bli lagt fram seinast 10. november.

Det er ein pårekna vekst frå 2021 til 2022 i frie inntekter for kommunane samla i Vestland på 1,4 prosent. Pårekna vekst frå 2021 til 2022 for kommunane i landet samla er 1,5 prosent. 18 kommunar i Vestland ligg likt eller over landsgjennomsnittet, medan 25 kommunar ligg under.

I brevet betyr «kommunane» primærkommunane utan at fylkeskommunane er med, og «departementet» betyr Kommunal- og moderniseringsdepartementet (KMD).

Vi tek i innleiinga med endringar i kommuneøkonomien for inneverande år.

Det økonomiske opplegget for 2021

I revidert nasjonalbudsjett var det ein pårekna skatteauke for kommunane i år på 8,6 prosent.

Dei pårekna skatteinntektene er no justerte opp med om lag kr 5,0 mrd. samla for kommunane i landet frå nivået i revidert nasjonalbudsjett. Pårekna skatteauke for i år blir med det justert frå 8,6 prosent til 11,6 prosent, ut frå faktisk innkomen skatt i 2020.

Den samla pris- og kostnadsveksten i kommunane var i revidert nasjonalbudsjett 2,7 prosent. På-rekna lønsvekst var også 2,7 prosent i revidert nasjonalbudsjett.

Den pårekna pris- og kostnadsveksten for i år er no justert opp til 3,3 prosent. Denne består av 2,8 prosent lønsvekst og 4,0 prosent vekst for varer og tenester. Kostnadsveksten skuldast i hovudsak auka byggjekostnader og auka straumprisar.

Regjeringa sitt framlegg for budsjettåret 2022

Det er rekna med ein nominell skattereduksjon for kommunane frå 2021 til 2022 med – 0,1 prosent. Pårekna skatteinntekter i 2022 byggjer blant anna på pårekna sysselsetjingsvekst (1,4 prosent), lønsvekst (3,0 prosent) og reduksjon i det kommunale skatteøyret.

Den store pårekna skatteveksten i år (kr 5,0 mrd.) samanlikna med nivået lagt til grunn i revidert nasjonalbudsjett bidreg til at veksten i dei frie inntektene frå 2021 til 2022 blir låg. For å halde skattedelen av dei samla inntektene på eit stabilt nivå, blir skatteøyret redusert frå 2021 til 2022.



Det er i statsbudsjettet lagt opp til at det kommunale skatteøyret blir justert frå 12,15 prosent i 2021 til 10,95 prosent i 2022.

Det er lagt opp til at skattedelen av kommunane sine samla inntekter skal vere om lag 40 prosent også for 2022.

Den samla pris- og kostnadsveksten i kommunane – kommunal deflator – er i framlegget 2,5 prosent. Deflatoren blir nytta til prisjustering av statlege rammetilskot og øyremerkte tilskot i statsbudsjettet. Kostnadsdeflatoren består av:

- Lønsvekst 3,2 prosent
- Varer og tenester 1,6 prosent
- Samla prisvekst 2,5 prosent

Samla vekst i frie inntekter

Det er lagt opp til ein realvekst i dei frie inntektene for primærkommunane frå 2021 til 2022 på kr 1,6 mrd. Denne veksten er rekna frå inntektsnivået i år som var lagt til grunn i revidert nasjonalbudsjett.

Veksten i dei frie inntektene er realauke slik at priskompensasjonen frå 2021 til 2022 vil kome som eit tillegg i inntektene.

Veksten i frie inntekter må blant anna dekke auka kostnader som følgje av befolkningsutviklinga. Pårekna meirkostnader i 2022 knytt til den demografiske utviklinga er knapt kr 0,6 mrd. for primærkommunane. Dette er den delen av meirkostnadene som følgje av befolkningsutviklinga som må bli finansierte av dei frie inntektene.

Veksten i dei frie inntektene må også finansierte vekst i pensjonskostnadene. Det er rekna med ein vekst i kommunesektoren sine samla pensjonskostnader på om lag kr 400 mill. i 2022, ut over pårekna lønsvekst. Det er stor uvisse knytt til overslaget. Det kan bli fordelt med om lag 90 prosent på primærkommunane og 10 prosent på fylkeskommunane.

Av veksten i dei frie inntektene for primærkommunane er det lagt til grunn at kr 100 mill. skal leggje til rette for fleire barnehagelærarar i grunnbemanninga.

Av veksten er kr 75 mill. grunnlagt med tiltak for barn og unge sin psykiske helse. Tiltak vil bli retta mot lågterskeltilbod i kommunane.

Frie inntekter – skatt og rammeoverføring – på kvar kommune

Vedlagt tabell syner rammeoverføring og pårekna frie inntekter for 2022. Pårekna skatt og inntektsutjamning i tabellen byggjer på kommunane sin faktiske skatteinngang i 2020. Dette grunnlaget er justert opp i samsvar med pårekna samla skattevekst i 2021 og 2022.

I berekning av skatteprognose for 2022 er det justert for same endring i prosent i høve til rekneskap 2020 for alle kommunane, uavhengig av den lokale utviklinga i kvar kommune etter 2020. Denne skatteprognosen er nytta som grunnlag for pårekna inntektsutjamning. Kommunane må justere for lokale tilhøve i budsjetteringa av skatt for 2022.

Veksten i frie inntekter vil variere mellom kommunane. Årsaker er følgjande punkt som påverkar kommunane ulikt frå år til år :

- endringar i inntektssystemet
- endringar i folketalet og alderssamansetjing
- endring i andre kriteriedata
- endring i fordelinga av skjønstilskot
- endring i veksttilskot (ingen kommunar i Vestland får veksttilskot korkje i 2021 eller 2022)



- endring i distriktstilskot eller småkommunetillegg
- endringar i skattegrunnlaget

Priskompensasjon frå 2021 til 2022 er innarbeidd i oversynet over dei frie inntektene i vedlagt tabell.

Det er rekna med ein nominell vekst i kommunane sine samla frie inntekter på landsbasis frå 2021 til 2022 med 1,5 prosent. Denne veksten er rekna i høve til pårekna inntektsnivå i år (rekneskap 2021), medrekna oppjusteringa av skatteinntektene. Den pårekna veksten for kommunane samla i Vestland er 1,4 prosent.

Auka rammeoverføring blir gitt for nye oppgåver og omfattar også heilårsverknader i denne sammenheng. Utrekna prosentvekst for dei frie inntektene er korrigert for dette i vedlagt tabell, slik at kompensasjon i denne samanheng ikkje inngår i prosentveksten. I utrekning av prosentvekst er det også korrigert for innlemming av øyremerkte tilskot i rammetilskotet.

Aktuelle saker

Barnevernreforma

Barnevernreforma trer i kraft 1. januar 2022. Kommunane vil som ein del av reforma få auka finansieringsansvar for ordinære fosterheimar og skal betale auka eigendelar for tiltak gitt av Bufetat. Kommunane vil få eit meir heilskapleg ansvar for oppfølging av fosterheimar. Kommunane skal bli kompenserte for auka ansvar gjennom auke i dei frie inntektene.

Departementet legg opp til å overføre om lag kr 1,31 mrd. til kommunane i 2022 som kompensasjon gjennom auke i rammetilskotet. Kompensasjonen over rammetilskotet vil over tid bli fordelt etter kostnadsnøkkelen for barnevern og vil kunne avvike noko frå dei noverande faktiske utgiftene for den einskilde kommunen. For å dempe overgangen for kommunar som har høge utgifter, vil halv-parten av kompensasjonen bli fordelt særskilt i 2022 og 2023 basert på faktisk bruk av tiltak i rekneskapsåret 2020.

Denne særskilde fordelinga går fram av tabell C-k i «Grønt hefte», kolonne 8 med kr 655,0 mill. Den andre halvdelen, kr 655,0 mill., vil bli fordelt etter delkostnadsnøkkelen for barnevern.

Innlemming av øyremerkt tilskot barnevern

For 2021 er det løyvd kr 820 mill., øyremerkt på kapittel 854, post 60, til kommunalt barnevern. Det er lagt opp til at øyremerkte midlar til stillingar i det kommunale barnevernet blir innlemma i rammetilskotet frå det same året som barnevernreforma trer i kraft. Det er difor framlegg om å innlemma midlane i rammetilskotet til kommunane for 2022. Kr 841 mill. (2022 – kroner) blir difor for-delt gjennom rammetilskotet for 2022. Fordelinga skjer etter delkostnadsnøkkel for barnevern.

Endringar i fordelinga til den einskilde kommune av innlemminga i rammetilskotet vil inngå i grunnlaget for overgangsordninga INGAR. Vi viser til eige punkt om overgangsordninga INGAR under.

Helsestasjon og skulehelseteneste

Den delen av rammetilskotet som er grunngitt med satsinga på helsestasjon og skulehelsetenesta blir vidareført frå 2021 til 2022, med priskompensasjon 2,5 prosent. For 2022 er rammetilskotet knytt til føremålet kr 952,2 mill. Midlane blir fordelte mellom kommunane på grunnlag av talet på innbyggjarar i alderen 0–19 år, med eit minstenivå på kr 100.000,- per kommune.

Ressurskrevjande tenester

Ordninga med øyremerkte tilskot for ressurskrevjande tenester gjeld for tenestemottakarar til og med det året dei blir 67 år. Utbetaling av tilskot til kommunane i 2022 vil vere basert på direkte løns-utgifter i 2021 knytte til tenestemottakarar.

Det er lagt opp til følgjande for 2022:

- Kompensasjonsgraden blir vidareført med 80 prosent av netto utgifter ut over innslags-nivået.



- Innslagnivået for å få kompensasjon blir auka per tenestemottakar frå kr 1,430 mill. til kr 1,520 mill. for netto utgifter i 2021. Det inneber ein auke på kr 50.000,- utover justering for pårekna lønsvekst i 2021 (2,8 prosent).
- Kompensasjonen som blir utbetalt frå staten til kommunane i 2022 skal kommunane , inntektsføre i sine rekneskap for 2021. Kommunane skal inntektsføre den pårekna kompensasjonen i rekneskapen for det same året som utgiftene har vore.
- Tilskot for personar med psykisk utviklingshemming (16 år og eldre) i rammetilskotet blir trekt frå nettoutgiftene i berekningsgrunnlaget. Eventuelle statlege øyremerkte tilskot blir også trekt frå berekningsgrunnlaget.

Ressurskrevjande tenester - tilleggskompensasjon

Det vart løyvd kr 55 mill. for 2021, som skjønsmidlar frå departementet, til små kommunar med særleg høge utgifter knytte til ressurskrevjande tenester per innbyggjar. Den øvre grensa for å få tilleggskompensasjon er 3200 innbyggjarar. I 2021 er det gitt slik kompensasjon til kommunane Masfjorden, Gulen, Vik og Fjaler i Vestland.

Det er for 2022 framlegg om i staden å leggje til grunn ei øymerkt fordeling som tek utgangspunkt i det ordinære øymerkte toppfinansieringstilskotet. For å få denne tilleggskompensasjonen, må kommunane ha mindre enn 3200 innbyggjarar og ha hatt gjennomsnittlege skatteinntekter dei siste tre åra lågare enn 120 prosent av landsgjennomsnittet.

Det er framlegg om ei samla ramme på kr 55 mill. som tilleggskompensasjon for 2022. Kommunane vil bli kompenserte med 80 prosent av netto utgiftene over ein terskelverdi per innbyggjar. Terskel-verdien i 2022 er førebels pårekna til kr 6200,- per innbyggjar. Verdien vil bli fastsett endeleg ved utbetalinga i juni 2022, tilpassa den totale ramma for ordninga.

Heildøgns omsorgsplassar

Det er framlegg om statleg investeringstilskot som vil leggje til rette for 500 heildøgns omsorgsplassar. I dette talet inngår både nye bygg og rehabilitering.

Andre saker som har innverknad på rammetilskotet:

Statleg finansiering av omsorgstenestene

Forsøket med statleg finansiering av omsorgstenestene blir avvikla frå 1. januar 2022.

Differensiert arbeidsgjevaravgift

Frå 1. januar 2022 blir det innført nytt verkeområde for differensiert arbeidsgjevaravgift, med endring i sone for 11 kommunar i landet. Kvar einskild kommune som får endra avgiftssats i 2022 får full kompensasjon eller trekk i rammetilskotet i 2022. Kompensasjon eller trekket blir deretter trappa ned over seks år.

Framlegget i statsbudsjettet legg til grunn endeleg godkjenning av ESA.

Tilskot til pensjon i private barnehagar

Det er framlegg om reduksjon av tilskotet til pensjon i private barnehagar frå 13 prosent til 11 prosent frå 1. januar 2022. Kommunane får med dette lågare utgifter til private barnehagar. Rammetilskotet blir difor redusert med kr 206,9 mill.

Ekstra time naturfag

Det blir innført ein ekstra time naturfag i grunnskulen frå skuleåret 2022/23. Det blir gitt kompensasjon gjennom rammetilskotet, kr 99,8 mill. Fordelinga skjer etter delkostnadsnøkkelen for grunnskule.

Helsenett

Det er framlegg om ein plikt for kommunane til å betale for kostnadene til forvaltning og drift av helsenettet. Rammetilskotet blir auka med kr 322,2 mill. som kompensasjon.

Inntektssystemet i 2022



Inntektsutjamning

Inntektsutjamninga er 60 prosent av skilnaden mellom kommunane sitt skattenivå og gjennom-snittleg skattenivå for landet. Tilleggskompensasjonen – for kommunar med lågt skattenivå – er 35 prosent av det skattenivået er under 90 prosent av landsgjennomsnittet. Kompensasjonsgraden blir vidareført som i noverande inntektssystem.

Overgangsordninga INGAR

Overgangsordninga med inntektsgarantitilskot (INGAR) gir kompensasjon for ei utvikling i ramme-tilskotet med meir negativt avvik enn eit fastsett beløp per innbyggjar (grenseverdien) frå lands-gjennomsnittet, frå eitt år til det neste. Grenseverdien for kompensasjon er no kr 400,- per innbyggjar. Det vil m.a.o. vere den delen av utviklinga i rammetilskot frå det eine året til det neste året som er meir enn kr 400,- per innbyggjar svakare enn landsgjennomsnittet, som blir kompensert.

INGAR tek ikkje omsyn til endring i skatt, inntektsutjamning, veksttilskot og skjønstilskot. INGAR tek omsyn til endringar i inntektssystemet, innlemming av øyremerkte tilskot i rammeoverføring, oppgåveendringar, endringar i kriteriegrunnlaget (t.d. talet på eldre og personar med psykisk utviklingshemming), bortfall av småkommunetillegg og nedgang eller bortfall av distriktstilskot.

Teljetidspunkt

For 2022 gjeld folketal per 1. juli 2021 for innbyggjartilskotet (medrekna overgangsordninga INGAR) og kriteria for aldersgrupper i utgiftsutjamninga. Andre kriteriedata i utgiftsutjamninga blir frå 1. januar 2021. Oppdatering av folketal i inntektsutjamninga blir vidareført med teljedato 1. januar i sjølve budsjettåret (2022).

Veksttilskot

Veksttilskotet blir gitt til kommunar som har hatt ein årleg befolkningsvekst dei siste tre åra høgare enn ei vekstgrense i prosent (gjennomsnitt per år). I 2022 blir vekstgrensa ført vidare med 1,4 prosent.

Veksttilskotet blir gitt med eit fastsett beløp per innbyggjar utover vekstgrensa. Beløpet blir pris-justert i 2022 til kr 62.252,-. Dette er det same beløpet som for 2021.

Distriktstilskot Sør-Noreg utanom småkommunetillegg

Distriktstilskotet skal ivareta kommunar i Sør-Noreg med svak samfunnsutvikling. Det blir gitt til kommunar som har ein distriktsindeks på 46 eller lågare.

Skattenivået må ha vore under 120 prosent av landsgjennomsnittet i gjennomsnitt for dei siste tre åra, for at kommunen skal få tilskot.

Den eine delen av tilskotet blir gitt med ein sats per kommune, og den andre delen av tilskotet blir gitt med ein sats per innbyggjar. Begge delane av tilskotet blir gradert på grunnlag av distrikts-indeksen slik at lågare indeks gir større tilskot.

Småkommunetillegg

Småkommunetillegget blir gitt til kommunar med under 3200 innbyggjarar. Tilskotet er frå og med 2017 gradert på grunnlag av distriktsindeks. Jo høgare distriktsindeks, jo større trekk i høve til fullt tilskot (opp til 50 prosent). Dei kommunane som har lågast indeks får ikkje noko trekk i høve til fullt tilskot.

Skattenivået må ha vore under 120 prosent av landsgjennomsnittet i gjennomsnitt for dei siste tre åra, for at kommunen skal få tilskot.

Utgiftsbehov

Gjennom utgiftsutjamninga i inntektssystemet skal kommunane få full kompensasjon for skilnader i kostnader som dei ikkje sjølve kan påverka. Grunnlaget for omfordelinga i utgiftsutjamninga er utgiftsbehovet per innbyggjar for landsgjennomsnittet og for den einskilde kommune.

Normalt ville utgangspunktet for berekning av utgiftsutjamninga for 2022 ha vore rekneskapstal for 2020, som siste års rekneskap. År 2020 var ekstraordinært som følgje av koronapandemien med ekstra statlege



overføringer og endra aktivitet. I staden for å bruke rekneskap 2020, vil det difor bli teke utgangspunkt i rekneskapen for 2019 i berekninga av utgiftsutjamninga for 2022.

Skjønstilskot

Basisramma for skjønstilskot til kommunane for heile landet er uendra frå 2021 til 2022, det vil seie kr 850 mill. Vestland si ramme er også uendra frå 2021 til 2022, kr 145,0 mill.

Ein del av skjønssramma for 2022 vil først bli fordelt mellom kommunane i budsjettåret 2022. Statsforvaltaren i Vestland har gjort ei overordna fordeling av skjønsmidlane mellom ordinært skjøn i statsbudsjettet (kr 115,0 mill.), fornyings- og innovasjonsprosjekt (kr 15,0 mill.) og til fordeling i budsjettåret (kr 15,0 mill.).

Fordelinga av ordinært skjønstilskot for 2022 er vist i eigen kolonne i vedlagt tabell. Vi viser til vår nettside der det blir lagt ut meir informasjon om fordelinga av skjønstilskot mellom kommunane.

Med helsing

Gunnar O. Hæreid
fung. statsforvaltar

Nils Erling Yndesdal
kommunaldirektør

Vedlegg

Dersom det er spørsmål til innhaldet i brevet, kan kommunane ta kontakt med Håvard Rød (55572143), Marit Lunde (57643005) eller Kåre Træen (57643004) hjå Statsforvaltaren.

Dokumentet er elektronisk godkjent

	A	B	C	D	E	F	G	H	I	J	K	L	M
1	OVERFØRING			distrikts-		komp.	inndel-						
2	KR 1000,-			tilskot		endring	ings-						
3	2022			S.-Noreg		reglar	tilskot						
4			storby +	og		eigedomssk.							
5		innb.t.	region-	små	vekst-	inngår i	inngår i	ordinært	SUM	Pårekna	SUM pårekna	Pårekna vekst i	
6	KOMMUNE	m/utg.utj.	senter	komm.	tilskot	innb. t.	innb. t.	skjøn	ramme	skatt +	frie	% frå rekneskap	
7		m/INGAR	tilskot	tillegg					overføring	innt.utj.	inntekter	2021 til 2022	
8													
9	Bergen	6724661	112241	0	0	0	0	14000	6850902	10074595	16925497	1,4	
10	Kinn	515979	4545	0	0	0	17261	11400	531924	596136	1128060	0,9	
11	Etne	140708	0	1223	0	0	0	2300	144231	134036	278267	1,0	
12	Sveio	181870	0	0	0	0	0	2800	184670	191171	375841	1,9	
13	Bømlo	362125	0	0	0	0	0	5200	367325	395818	763143	1,7	
14													
15	Stord	506904	0	0	0	0	0	2600	509504	630513	1140017	1,7	
16	Fitjar	99373	0	3017	0	0	0	3000	105390	104150	209540	0,9	
17	Tysnes	115874	0	3017	0	0	0	2100	120991	102979	223970	3,4	
18	Kvinnherad	389366	0	16732	0	0	0	0	406098	431997	838095	0,8	
19	Ullensvang	392495	4113	14298	0	0	40597	4300	415206	377717	792923	0,6	
20													
21	Eidfjord	44004	0	0	0	0	0	0	44004	41728	85732	1,9	
22	Ulvik	53669	0	6034	0	0	0	0	59703	36703	96406	0,3	
23	Voss	512384	4449	0	0	0	18576	6500	523333	522944	1046277	1,3	
24	Kvam	280089	0	6792	0	0	0	4600	291481	279998	571479	0,9	
25	Samnanger	84401	0	3017	0	0	0	1900	89318	82798	172116	1,5	
26													
27	Bjørnafjorden	718907	5097	0	0	0	15488	5500	729504	829825	1559329	1,8	
28	Austevoll	179705	0	0	0	0	0	700	180405	226700	407105	1,5	
29	Øygarden	1028910	6050	0	0	5101	30976	3500	1038460	1280496	2318956	1,9	
30	Askøy	816736	0	0	0	0	0	1900	818636	976232	1794868	0,9	
31	Vaksdal	150556	0	4757	0	0	0	600	155913	129465	285378	0,6	
32													
33	Modalen	32184	0	0	0	0	0	0	32184	19041	51225	2,0	
34	Osterøy	216427	0	0	0	0	0	4000	220427	266258	486685	1,0	
35	Alver	903121	5398	0	0	70681	30976	7000	915519	969444	1884963	2,7	
36	Austrheim	96549	0	3017	0	1429	0	1900	101466	101737	203203	1,0	
37	Fedje	34961	0	6034	0	0	0	1200	42195	17537	59732	0,7	

	A	B	C	D	E	F	G	H	I	J	K	L	M
38													
39	Masfjorden	80787	0	3017	0	0	0	0	83804	58767	142571	1,2	
40	Gulen	100207	0	6034	0	803	0	0	106241	82427	188668	0,5	
41	Solund	42122	0	6034	0	0	0	1400	49556	26794	76350	0,9	
42	Hyllestad	58967	0	6034	0	0	0	1300	66301	44788	111089	1,8	
43	Høyanger	141971	0	6097	0	2420	0	0	148068	136245	284313	1,3	
44													
45	Vik	105242	0	6034	0	0	0	0	111276	89130	200406	0,5	
46	Sogndal	381058	4180	0	0	0	43824	5700	390938	394898	785836	2,1	
47	Aurland	63673	0	0	0	0	0	0	63673	71930	135603	0,7	
48	Lærdal	75115	0	6034	0	0	0	0	81149	74936	156085	1,2	
49	Årdal	171963	0	7423	0	9388	0	0	179386	183578	362964	1,7	
50													
51	Luster	188334	0	2976	0	0	0	0	191310	176745	368055	2,4	
52	Askvoll	119751	0	6034	0	0	0	1100	126885	98840	225725	0,8	
53	Fjaler	123685	0	4225	0	0	0	1500	129410	94882	224292	1,2	
54	Sunnfjord	716336	4885	0	0	0	65735	12100	733321	734553	1467874	1,6	
55	Bremanger	148984	0	5562	0	388	0	0	154546	122783	277329	0,6	
56													
57	Stad	314872	4010	10060	0	0	17241	2700	331642	313748	645390	1,8	
58	Gloppen	215481	0	6620	0	0	0	1500	223601	193883	417484	1,5	
59	Stryn	233471	0	0	0	0	0	700	234171	235124	469295	1,0	
60	Ikkje fordelt	0		0	0			30000	30000	0	30000		
61	Vestland	17863977	154968	150122	0	90210	280674	145000	18314067	21954069	40268136	1,4	
62	Heile landet											1,5	

Referatsak

Med helsing

Svein Helge Hofslundsengen
rådmann

Masfjorden kommune, Austfjordvegen 2724, 5981 MASFJORDNES
Direkte: 5616 6215, Mobil: 906 24 235, Sentralbord: 5616 6200
E-post...: svein.helge.hofslundsengen@masfjorden.kommune.no
Heimeside: <http://www.masfjorden.kommune.no>

Fra: LVK [<mailto:post@lvk.no>]

Sendt: 13. oktober 2021 08:48

Til: Svein Helge Hofslundsengen

Emne: Statsbudsjettet 2022: Endringer i skattereglene som følge av overgang til kontantstrømskatt



LVK-nytt - 13. oktober 2021



[Statsbudsjettet 2022:
Endringer i skattereglene
som følge av overgang til
kontantstrømskatt -
konsekvensene for
kommunenes eiendomsskatt
er fortsatt uavklart](#)

Regjeringen foreslår endringer i grunnrenteskatten for vannkraft for å ta hensyn til samvirkningen med selskapsskatten.
Endringsforslaget - som... [Les](#)

[mer](#)



Statsbudsjettet 2022:
Vindkraftavgift - et skritt i
riktig retning, men fortsatt
mye å gå på

Regjeringen foreslår innført en vindkraftavgift på 1 øre/KWh, som vil gi et samlet proveny på 165 mill kr til vindkraftkommunene. [Les mer](#)

For mer informasjon kontakt:



Stinessen, Stein Erik

Mobil: +47 99 11 99 12

E-post: ses@lundogco.no



Lund, Caroline

Mobil: +47 99 11 99 01

E-post: cl@lundogco.no



Enger, Marte

Mobil: 99 11 99 66

E-post: me@lundogco.no

[Kurs og konferanser](#) | [Flere nyheter](#) | [Kontakt](#)

Trykk her for avmelding. For kommuneansatte, ta kontakt med sekretariatet direkte for å oppgi rett mottaker.

Denne e-posten er sendt ut med hjelp av:



Statsbudsjettet 2022 – kommunane i Vestland

Statsforvaltaren i Vestland

Kåre Træen




Statsforvaltaren i Vestland





Frie inntekter korrigert for variasjon i utgiftsbehovet




Frie inntekter i 2020 inkl. eidegdomsskatt, konsesjonskraft, heimfall og havbruk i prosent av landsgjennomsnittet av inntekt per innbyggjar. Kjelde: Kommuneproposisjonen 2022


Økonomi – inngangen til 2021 og fram til 2024




Netto driftsresultat i prosent av driftsinntekter



Langsiktig brutto gjeld i prosent av driftsinntekter



Disposisjonsfond i prosent av driftsinntekter



Kjelde: SSB statistikkbanken 2020

budsjett- og økonomiplanar 2021 – 2024 (tal for kommunekassa)

Side 16 av 24

© Statsforvaltaren i Vestland

3

Statsbudsjettet – endringar og forskjellar 2021 – 2022




■ Inntektssystemet

- Folketal – endring frå 01.07.20 – 01.07.21
- **Utgiftsutjamninga** (ufrivillige forskjellar i utgifter) – endringar i kriteriedata
 - alderssamansetjing, levekår/sosiale tilhøve, reiseavstandar og andre strukturelle tilhøve
- **INGAR** (inntektsgarantiordninga)
- Regionalpolitiske tilskot (distriktstilskot Sør-Norge)
- **Skjønnsmidlar**
- Veksttilskot til kommunar som har høg folketalsvekst – ingen i Vestland
- Storbytilskot til Bergen
- **Saker med særskild fordeling**
- Nye kommunar
 - inndelingstilskotet og regionsentertilskotet
- **Skatteinntekter**




Folketal og inntektssystemet

- 1. juli er teljedato for innbyggjartilskotet og utgiftsutjamninga
- Kartet viser prosentvis utvikling for perioden 01.07.2020 – 01.07.2021:
 - 10 kommunar med vekst over landsgjennomsnittet på 0,5 prosent
 - 13 med vekst opp til gjennomsnittet
 - 20 med nedgang i folketallet






Nominell prosentvis vekst i frie inntekter 2022 rekna frå anslag rekneskap 2021 - kommunar i fylke



per fylke etter eit gjennomsnitt for kommunane i fylket



Nominell prosentvis vekst i frie inntekter 2022 rekna frå anslag rekneskap 2021





Korona – skjønnsmidlar til ekstra utgifter

- Kommunane i Vestland har meldt ekstra utgifter på 1,3 mrd. til 1. juli 21
- Fordelt 530 mill. kroner i skjønnsmidlar til kommunane etter
 - rapporterte faktiske og anslag ekstra utgifter
 - tal smitta personar
 - smittetal per 1000 personar
 - minimumsbeløp
 - samla vurdering
- Stortinget har løyvd 1,5 mrd. nasjonalt i 2. halvår
 - kommunane melder tilbake innan 22. oktober
 - fylkesvis fordeling og til kvar kommune

Sakspapir

Sakshandsamar	Arkiv	ArkivsakID
Frank Kvinge	FA-A39, FE-205	19/686

Saknr	Utval	Type	Dato
100/2021	Formannskapet	PS	01.11.2021

Elev- og lagsbetaling i kulturskulen frå 01.08.22

Rådmannen sitt framlegg til vedtak:

Satsane for elevbetaling vert frå 01.08.22 auka med 2,7 % frå kr 2427 til kr 2492 for skuleelevar. 30 % søskenmoderasjon som før.

For vaksne elevar (etter vidaregåande) vert satsane auka frå kr 3641 til kr 3739.

Stigen for redusert eigenbetaling vert endra i tråd med den til ei kvar tid gjeldande satsen for gratis kjernetid i barnehagar.

Timesatsane for lagsbetaling vert frå 01.08.22 auka med 2,7 % frå kr 320 til kr 328 for barne- og ungdomslag og frå kr 433 til kr 445 for lag med vaksne medlemmer.

Saksopplysningar:

Bakgrunn/ Fakta

Elevbetalinga i Masfjorden kulturskule vart sist endra 01.08.21. Då vart satsane auka frå kr 2363 til 2427. Det vert gjeve 30% søskenmoderasjon.

Elevane si undervisningstid er mellom 20 og 60 minutt pr. veke, avhengig av gruppestorleik. Elevbetalinga utgjer for 2021 ca kr. 280 000.

Samanlikna med nabokommunane ligg Masfjorden i nedre sjikt når det gjeld elevbetaling.

Masfjorden kr. 2427

Alver kr. 3454

Austrheim kr. 3060

Vaksne elevar

Kulturskulen gir og undervisning til ein del vaksne elevar. Dette gjeld vaksne ungdommar med behov for tilrettelagt undervisning, men og andre interesserte dersom lærarar i

kulturskulen har ledig kapasitet. Skuleåret 2021-22 gjeld dette totalt fire elevar. Vaksne elevar betaler kr 3641 pr år for kulturskuletilbod.

Redusert eigenbetaling

Hushald med inntekt lågare enn den til ei kvar tid gjeldande satsen for gratis kjernetid i barnehagar brutto pr år kan søkja kulturskulen om redusert eigenbetaling, inntil 50% av gjeldande sats, for barn opp til 16 år med plass i kulturskulen. Frå 1.august 2021 er denne summen 583650 pr. år.

Prosentvis reduksjon vert gjeve etter denne stigen:

583 650-550 000	10% reduksjon
549 999- 510 000	20% reduksjon
509 999-470 000	30% reduksjon
469 999-430 000	40% reduksjon
Under 430 000	50% reduksjon

I 2021 er det 1 søkjar til ordninga.

Lagsbetalinga

Kor, korps og grupper kjøper dirigent- og instruktørtenester gjennom kulturskulen.

Ordninga sikrar ryddige tilsetjingstilhøve for dirigentar og instruktørar.

For skuleåret 2021-22 utgjer kjøpet om lag eitt årsverk.

Lagsbetalinga vart sist endra 01.08.21. Då vart satsane auka frå kr 311 til 320 for barne- og ungdomslag og frå kr 412 til 433 for til lag med vaksne medlemmer.

Lagsbetalinga utgjer for 2021 om lag kr 350 000. Ettersom det er forventa auke i kjøp av timar for 2022 vil denne summen då utgjera kring kr 450 000.

Utover dette dekkar laget reiseutgifter for dirigent/instruktør.

Vurdering

Det er viktig å halda elevbetalinga på eit rimeleg nivå for å sikra ei god rekruttering til tilboda i kulturskulen. Kulturskuletilbodet når svært mange barn og unge i kommunen. Dette skuleåret er det over 140 elevplassar i kulturskulen fordelt på 100 elevar.

Elevtalet er svært stabilt, i motsetnad til fleire andre kommunar som dei siste åra har opplevd ein nedgang i søkjarmassen.

Elevane i kulturskulen er særst gode bidragsytarar i kulturelle samanhengar i bygdene våre, og dei er gode ambassadørar for kommunen. Gjennom eit ordinært skuleår deltek elevar frå kulturskulen på over 100 tiltak/arrangement utover ordinær undervisning, og skil seg med dette frå mange andre kulturskular der bidrag utover undervisning ikkje er så sterkt vektlagt.

Det vert lagt opp til ein prosentvis auke av elevbetalinga på 2,7% gjeldande frå 01.08.22. Dette er i tråd med vedtak i rammesaka.

Laga er bærebjelken i det lokale kulturlivet, og for kommunen må det vera viktig å leggja

best mogleg til rette for at laga har rammevilkår for utvikling.

Fleire lag har mellom anna pga lågare barnetal i kommunen hatt noko mindre rekruttering, noko som medfører at færre medlemmer må stå for innhenting av midlar til laget, og i neste omgang slitasje. Det vert frå lagshald kommentert at verken kommunale kulturmidlar eller kommunale VO-midlar har auka i takt med prisauken på kjøp av kommunale tenester gjennom kulturskulen. Sekken til kulturmidlar har vorte redusert dei siste åra. Laga har jamt over god økonomi.

Også her vert det i tråd med vedtak i rammesaka lagt opp til ein prosentvis auke av lagsbetalinga på 2,7 % gjeldande frå 01.08.22.

Konklusjon

Satsane for elevbetaling vert frå 01.08.22 auka med 2,7 % frå kr 2427 til kr 2492 for skuleelevar. 30 % søskenmoderasjon som før.

For vaksne elevar (etter vidaregåande) vert satsane auka frå kr 3641 til kr 3739.

Stigen for redusert eigenbetaling vert endra i tråd med den til ei kvar tid gjeldande satsen for gratis kjernetid i barnehagar.

Timesatsane for lagsbetaling vert frå 01.08.22 auka med 2,7 % frå kr 320 til kr 328 for barne- og ungdomslag og frå kr 433 til kr 445 for lag med vaksne medlemmer.